

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1766**

Caput IX. Gustavus Adolphus [...]

[urn:nbn:de:bsz:31-295072](https://nbn-resolving.org/urn:nbn:de:bsz:31-295072)

## CAPUT IX.

## GUSTAVUS ADOLPHUS

ABBAS FULDENSIS ET CAMPIDONENSIS  
APPELLATUS

BERNHARDUS GUSTAVUS.



## §. I.

Friderici V. Marchionis Durlacensis, filius na-  
tu minimus, Gustavus Adolphus, natus <sup>Gesta  
ejus mi-  
lit.</sup>

A. 1631. die 24. Dec. ex Conjuge Eleono-  
ra, Comitissa Solma-Laubicensi, a Gu-  
stavo Adolpho, Sueciæ Rege, nomen

accepit; (a) ejusque vestigia ab initio secutus, sese destina-  
verat bello. Venetis copias auxiliares adolescens contra Turcas  
adduxit. Cum fratribus suis, Friderico & Carolo Magno A. 1655.  
Polonico interfuit bello, præsertim prælio, quod habitum fuit ad  
Warkam. Anno sequenti cohortem pedestrem, Regis Sueciæ  
destinatam custodiæ, Præfectus accepit. Munimento Morungen-

Tom. IV.

Rr 2

(a) Stollbergenfis Comes, Gustavi Adolphi Regis Sueciæ nomine, de fonte  
baptismatis eum suscepit.

GVSTAV.  
ADOLPH.

si Borussiae per aliquod tempus cum militari Imperio praefuit. A. 1650. fratris sui Caroli Magni turmam equestrem accepit.

Polonico bello Caroli Gustavi, Sueciae Regis, morte finito, Marchio juvenis Bataviam Italiamque invisit, donec Turcicum in Hungaria bellum oriretur. Tum vero in Comitibus Ratisbonensibus A. 1664. supremus Excubiarum Praefectus publico Imperii nominatus Decreto, (b) memorabili ad D. Gothardi Fanum praelio interfuit, duobus sub eo equis occisis, graviter vulneratus in facie, victoriae reportatae nuncium Caesari attulit. Pace reducta, cum Ecclesiastica toga sagum commutavit.

## §. I I.

Mutatio  
sacror.

Monendus est Lector, quod jam A. 1660. die 24. Aug. in Alfatia apud Franciscanos Hermelshemii, prope Molshemium, ad Catholica sacra Gustavus noster Adolphus occulte transiverit. Publice ea professus est Romae A. 1663. (c) Tum vero novum *Bernhardi Gustavi* ei impositum est nomen; in memoriam B. Bernhardi Marchionis. Nec reticuit causas, quae eum permoverant, ut sacra mutaret; (d) nec omnes propalavit.

Dignit.  
ecelefiast.

A bello Turcico redux, Rhinoviense monasterium intrans, Benedictinae sese regulae dicavit; altiora petiturus. Rhinovia enim transiens Fuldam, a Joachimo Abbate, Leopoldo Caesa-

(b) *Recess. Imp. Part. IV. n. 3. pag. 10.*(c) *ИМНОФ. Notit. proc. Imp. pag. 339.*

(d) Sex motiva, ut vocantur, edita tum fuerunt in lucem lingua latina, 8vo.

re petente & annuente Summo Pontifice, in successorem assumptus est (e) d. 19. Mart. 1668. reservans sibi Canonicatus, quos in Coloniensi, Argentinensi, & Leodiensi Ecclesiis possederat. Eodem tempore Coadjutor Campidonensis creatus.

Cum fratre Friderico VI. A. 1668. d. 20. Julii transactionem inivit; virtute cujus debita Gustavi Adolphi solvenda frater suscepit; promittens 5000. florenos ei quoque se persolutorum quotannis, donec beneficiis ecclesiasticis majoribus fruatur. Ceterum nihil aliud sibi reservavit Gustavus Adolphus, quam jus succedendi, si utraque deficeret linea Badensis.

## §. III.

Tirolinum sacrum in S. Petri prope Fuldam monasterio cum peregisset, vacantem morte Salentini de Sinzig Præposituram in Holzkirchen accepit, & denique A. 1671. d. 4. Jan. Joachimo, Abbati Fuldensi, in dignitate successit. Apostolicus apud Helvetios Nuncius ordinare eum debuerat Lucernæ. At mutato proposito, Suffraganeus Spirensis die 12. Aprilis ceremoniam Badæ peregit. (f) Clemens IX. eum Cardinalem creavit. Birretum Leopoldus Imp. d. 19. Apr. 1672. ei porrexit Vindobonæ. (g)

Rr 3

(e) SCHANNAT. *Historia Fuldenfis* Part. III. pag. 290.(f) IDÈM *loco alleg.* Part. III. pag. 293.(g) *Theatrum Europæum* Tom. XI. pag. 53.

GVSTAV.  
ADOLPH.

Novus Abbas vix regimen adierat, quum Judæos omnes, quorum mille quingenti computabantur, intra trimestre tempus Abbatiae ditioibus excedere iussit. (h)

Eodem anno nova cum fratre Friderico VI. transactione, pro certa pecuniæ summa, omnibus, quæ habere potuerat, juri- bus renunciavit.

Abbas  
Campid.

A. 1673. post Romani Abbatis obitum Campidonæ factus est Abbas; Sigeburgensis (i) quoque Benedictinorum monasterii, in Bergensi Ducatu, Administrator electus.

## §. I V.

Supellex  
ejus di-  
repta.

Paulo post Episcopatum Leodiensem ambivit; sed excidit aufis. Profectus est quidem cum splendido comitatu Leodium. Verum post aliquot mensium moram, insigni pecuniæ summa expensa, A. 1675. rediturus Coloniam, pro supellectile sua, Leodio Coloniam devehenda, literas salvi conductus ab Estradæo, qui Gallici præsidii Præfectus erat Trajecti ad Mosam, obtinuit. Nihilominus supellex ejus capta est a Gallis & Trajectum allata. Ipse non absque insigni difficultate evasit Coloniam. Scripsit ad Regem. Rex ipsi respondit, literas ei salvi conductus datas ad negotia sua perficienda, non vero, ut publicis & bellicis se immi-

(h) *Diarium Europ.* Part. XXIII. pag. 444.

(i) Siegeburg, Siegeberg vulgo Sieberg &amp; Sieburg A. 1060. ad flumen Siegam ab Annone Archiepiscopo Colon. constructum.

fecerit negotiis. In supellectile hac inventæ sunt merces prohibi-  
tæ, multa sclopeta, quibus aliquot cohortes poterant armari.

GVSTAV.  
ADOLPH.

## §. V.

Accusatus fuit Cardinalis, quod Leodii consilia clandestina pro Imperatore & Hispanis contra Electorem Colonensem, Gallicis partibus addictum, foverit, ut nempe Electorem non modo Leodiensi Episcopatu, sed & Electoratu ipso privaret. Rem manifestarunt Literæ Chartæque plures, in ejus supellectile re-  
pertæ, quarum nonnullas, typis impressas, publicavit Estradius, ut litteris salvi conductus Cardinalem abusum esse, publice doce-  
ret. (k)

Consilia  
ejus.

Bernhardus Gustavus, spe sua dejectus, in lentum, sed pertinacem, incidit morbum. (l) Interfuit tamen A. 1676. electioni Innocentii XI. qui eum Cardinalem Presbyterum, titulo S. Sufannæ, creavit. (m)

Obitus &  
sepultura.

## §. VI.

Post Romanum hoc iter non diu rebus humanis superfuit Bernhardus Gustavus. In itinere enim, quod Hammelburgum

(k) Marquis de BEAUVAU *Memoires du Duc Charle IV. de Lorraine* pag. 436.  
MÜLLER *verwirrtes Europa* Tom. II, pag. 689. *Theatr. Europ.* Tom. XI, pag. 679.

(l) Fuerunt qui damnum hoc CCC. florenorum millia excessisse crediderunt.  
SCHANNAT *loco alleg.* pag. 294.

(m) IDEM *loco alleg.*

GVSTAV.  
ADOLPH.

fulceperat, A. 1677. die 26. Dec. obiit. (n) Cor ejus ad Campidonenses delatum; exta in Oratorio, quod exstruxerat, Fratrum Minorum Hammelburgi recondita; corpus autem Ecclesiae Fuldenfi illatum, in qua Placidus a Droste, Abbas successor, ei splendidum Monimentum erexit; quod exhibet Schannatus. (o) Nummum memorialem, in honorem ejus cufum A. 1672. inter Badenses nummos suo loco exhibemus.

(n) Elogium ejus edidit PROBSTIUS S. J. Fuldæ 1678.

(o) *Loco alleg.* pag. 295. Inscriptio monumenti hæc est: Anno Christi MDCLXXVII. die XXVI. Decembris obiit piissime Sereniff. & Eminentiff. Dom. Bernardus Gustavus S. R. E. Cardinalis Presbyter, Abbas Fuldenfis, S. R. Imperii Princeps Divæ Aug. Archicancellarius per Germaniam & Galliam Primas, Marchio Badensis & Durlacensis, cujus anima requiescat in sanctissima Pace. Huic pius successor Placidus Abbas ejusdem Ecclesiae, S. R. Imp. Princeps hoc monumentum fieri curavit. Stat sua cuique dies, breve & irreparabile tempus omnibus est vitæ.

